

# ხელშეკრულება სახელმწიფო შესყიდვის შესახებ

## SPA 02-064/18

ქ. თბილისი

28 თებერვალი 2018 წელი

ერთის მხრივ (შემსყიდველი): სსიპ „იუსტიციის სახლი“

წარმოდგენილი აღმასრულებელი დირექტორის მოადგილის (ფინანსების დირექტორი) ავთანდილ კობრიძის სახით,

საიდენტიფიკაციო კოდი: 204 580 202

მისამართი: ქ. თბილისი, სანაპიროს ქ. №2

მიმღები: სახელმწიფო ხაზინა

ბანკის კოდი: TRESGE22

სახაზინო კოდი: 302003287

მეორეს მხრივ (მიმწოდებელი): სს „ვისოლ პეტროლიუმ ჯორჯია“

წარმოდგენილი გენერალური დირექტორის ვასილ ხორავას სახით,

საიდენტიფიკაციო კოდი: 202 161 098

მისამართი: ქ. თბილისი, ჭავჭავაძის 74<sup>ბ</sup>

ბანკის დასახელება: სს „თიბისი ბანკი“

ბანკის კოდი: TBCBGE22

IBAN: GE48TB1100000018467453

წინამდებარე ხელშეკრულება გაფორმებულია სახელმწიფო შესყიდვების შესახებ საქართველოს კანონის 10<sup>1</sup> მუხლის პირველი პუნქტის და სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტის შესაბამისად. პრეტენდენტის (სს „ვისოლ პეტროლიუმ ჯორჯია“) სატენდერო წინადადების საფუძველზე, №SPA180001235 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

### 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე, თუ ხელშეკრულებით სხვა რამ არ არის გათვალისწინებული.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

### 2. ხელშეკრულების საგანი

- 2.1. სსიპ „იუსტიციის სახლი“-ს მიერ, 2018 წლის საკუთარი შემოსავლების ფარგლებში, ავტომატური რეცხვა-დასუფთავების მომსახურების სახელმწიფო შესყიდვა (CPV 50112300 - მაქანის რეცხვა და მსგავსი მომსახურებები) შემსყიდველისათვის გადაცემული ტალონებისა და პლასტიკური ბარათების სისტემის მეშვეობით;
- 2.2. შესყიდვის ობიექტის დასახელება, აღწერილობა და რაოდენობა განისაზღვრება **დანართი N1**-ის შესაბამისად, რომელიც თან ერთვის წინამდებარე ხელშეკრულებას და წარმოადგენს მის განუყოფელ ნაწილს.

### 3. ხელშეკრულების ღირებულება

- 3.1. ხელშეკრულების ღირებულება **დღგ-ს ჩათვლით შეადგენს 6088.80 (ექვსი ათას ოთხმოცდარვა ლარი და 80 თეთრი) ლარს.**
- 3.2. ხელშეკრულების ღირებულება მოიცავს ხელშეკრულებით გათვალისწინებული შესყიდვის ობიექტის მოწოდებასთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.
- 3.3. შესყიდვის ობიექტის ერთეულის და საერთო ფასი მოცემულია ხელშეკრულების **დანართში N1**.

### 4. ხელშეკრულების შესრულების კონტროლი

- 4.1. ხელშეკრულების შესრულების კონტროლს ახორციელებს სსიპ „იუსტიციის სახლი“-ს ინფრასტრუქტურის განვითარებისა და ლოჯისტიკის სამსახური;
- 4.2. შემსყიდველი ორგანიზაცია უფლებამოსილია აწარმოოს მოწოდებული შესყიდვის ობიექტის ხარისხის და რაოდენობის ინსპექტირება ხელშეკრულების მოქმედების ნებისმიერ ეტაპზე.



**5. შესყიდვის ობიექტის მიღება ჩაბარების წესი:**

- 5.1. შესყიდვის ობიექტის მიღება-ჩაბარება ფორმდება მიღება-ჩაბარების აქტით;
- 5.2. მიღება-ჩაბარების აქტი მხარეთა შორის გაფორმდება ეტაპობრივად, შემსყიდველის მიერ განსაზღვრული ხელშეკრულების შესრულების კონტროლის განმახორციელებელი პირის მიერ შედგენილი ინსპექტირების დასკვნის საფუძველზე. როგორც ბარათის ასევე, ტალონის მეშვეობით მომსახურების განხორციელების შემთხვევაში - ყოველთვიურად, ფაქტობრივად გაწეული მომსახურების ღირებულების შესაბამისად.

**6. ანგარიშსწორების ფორმა, ვადები და პირობები**

- 6.1. ანგარიშსწორება განხორციელდება ეტაპობრივად, უნაღდო ანგარიშსწორებით, ეროვნულ ვალუტაში - ლარში, შემდეგ ვადაში: **როგორც პლასტიკური ბარათებით ასევე ტალონებით მომსახურების შემთხვევაში: 5.2 პუნქტის შესაბამისად** გაფორმებული მიღება-ჩაბარების აქტისა და მიმწოდებლის მიერ ელექტრონული საგადასახადო ანგარიშ-ფაქტურის გამოწერიდან 10 (ათი) სამუშაო დღის განმავლობაში.
- 6.2. ყოველი მომდევნო თვის 12 რიცხვამდე მიმწოდებელი გამოუწერს შემსყიდველს ელექტრონულ საგადასახადო ანგარიშ-ფაქტურას ("ესაფ"-ს) წინა თვეში ფაქტობრივად გაწეული მომსახურების შესაბამისად. შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს "ესაფ"-ის დადასტურება. შემსყიდველს არც ერთი საფუძვლით არ შეუძლია სადავო გახადოს მისი მხრიდან შესაბამისი "ესაფ"-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, "ესაფ"-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან "ესაფ"-ის ელექტრონულად დადასტურებას.

**7. მომსახურების გაწევის პირობები, ვადები და ადგილი**

- 7.1. შესყიდვის ობიექტის მოწოდების ადგილი: მიმწოდებლის ექსპლუატაციაში არსებულ ავტოსამრეცხაოებში საქართველოს მასშტაბით (მ/შ მინიმუმ ხელშეკრულების **დანართი N2-ში** მითითებულ ავტოსამრეცხაოებში). ავტოსამრეცხაოების მისამართის ცვლილების (ტექნიკური დავალების მოთხოვნათა გათვალისწინებით) შემთხვევაში, მიმწოდებელი ვალდებულია აღნიშნულის თაობაზე წინასწარ (არაუგვიანეს 10 (ათი) დღით ადრე) აცნობოს შემსყიდველს;
- 7.2. რეცხვის ჯერადობის აღრიცხვა უნდა მოხდეს **დანართი N1-ის** პირველი პოზიციით გათვალისწინებული ავტომაქანებისთვის საბარათე/პლასტიკური ბარათების სისტემით - თითოეული ავტოსატრანსპორტო საშუალებისთვის ინდივიდუალურად, ხოლო, ამავე დანართის მეორე პოზიციისათვის მომსახურების გაწევა უნდა განხორციელდეს რეცხვის ტალონების მეშვეობით;
- 7.3. მიმწოდებელმა საკუთარი ხარჯებით უნდა უზრუნველყოს ტალონების/პლასტიკური ბარათების დამზადება და მიწოდება.
- 7.4. ხელშეკრულების გაფორმებიდან და შემსყიდველის წერილობითი მიმართვიდან არაუგვიანეს 5 (ხუთი) სამუშაო დღის ვადაში მიმწოდებელმა უნდა უზრუნველყოს **დანართი N1-ით** გათვალისწინებულ შესაბამის რაოდენობის მანქანებზე პლასტიკური ბარათების დამზადება და შემსყიდველისათვის უსასყიდლოდ მიწოდება;
- 7.5. მიმწოდებლის მიერ **დანართი N1-ის** მეორე პოზიციით გათვალისწინებულ მომსახურებაზე, მიმწოდებელმა ხელშეკრულების გაფორმებიდან **5 (ხუთი) სამუშაო დღის** ვადაში უნდა მიაწოდოს შემსყიდველს **24 (ოცდაოთხი)** ცალი მიკროავტობუსის რეცხვის ტალონი.

**7.6. პლასტიკური ბარათების სისტემით რეცხვის მომსახურება განხორციელდება შემდეგი წესით:**

- 7.6.1 მიმწოდებელი ვალდებულია საბარათე (პლასტიკური ბარათი) სისტემის მეშვეობით მომსახურების გაწევის შემთხვევაში, ხელშეკრულების გაფორმებიდან არაუმეტეს 2 (ორი) სამუშაო დღის ვადაში, თავის ვებ-გვერდზე გაუხსნას შემსყიდველს სპეციალური ანგარიში და უზრუნველყოს შემსყიდველის მიერ შეძენილი რეცხვის მომსახურების ჩარიცხვა აღნიშნულ ანგარიშზე, პლასტიკურ ბარათებზე მისი შემდგომი განაწილების მიზნით. სპეციალურ ანგარიშზე რეცხვის მომსახურების ჩარიცხვის მომენტიდან, იგი წარმოადგენს შემსყიდველის საკუთრებას და შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, გადაანაწილოს მის კუთვნილ ერთ ან რამდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით;
- 7.6.2 შემსყიდველის პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით გადასცემს შემსყიდველის უფლებამოსილ წარმომადგენელს და ამავდროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათებზე მომსახურების გადატანამდე შეცვალოს მიმწოდებლის მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის შემსყიდველის წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცონირებულ გამოყენებაზე, ელექტრონული ანგარიშიდან პლასტიკურ ბარათებზე მომსახურების უნებართვო გადატვირთვაზე და სხვა მსგავს შემთხვევებზე, აგრეთვე ამით გამოწვეულ ნეგატიურ შედეგებზე, გადადის შემსყიდველზე;



- 7.6.3 შემსყიდველი ვალდებულია პლასტიკური ბარათი შეინახოს მზისგან, ელექტრული და მაგნიტური ველებისაგან (მობილური ტელეფონი, ტრანსფორმატორი, ტელევიზორი და სხვ.) დაცულ ადგილას, ასევე, არ მოახდინოს პლასტიკური ბარათის გაღუნვა. მიმწოდებელი არ არის პასუხისმგებელი ამ მოთხოვნის შეუსრულებლობის შემთხვევაში ბარათის დაზიანებაზე. პლასტიკური ბარათის ფიზიკური დაზიანების ან/და დაკარგვის შემთხვევაში შემსყიდველს უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადატანა, ამასთანავე, ბლოკირებამდე ბარათების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება შემსყიდველს. პლასტიკური ბარათის პროგრამულად დაზიანების შემთხვევაში, მიმწოდებელი უსასყიდლოდ დაუშვადებს შემსყიდველს ახალ პლასტიკურ ბარათს შემსყიდველის მოთხოვნიდან არაუგვიანეს 5 (ხუთი) სამუშაო დღის განმავლობაში.
- 7.6.4 რეცხვის მომსახურების გაწევა მოხდება პლასტიკური ბარათის წარმომდგენ ნებისმიერ პირზე. შემსყიდველის მოთხოვნის საფუძველზე შესაძლებელია პლასტიკურ ბარათზე კონკრეტული ავტომატქანის სახელმწიფო ნომრის და სერიის გამოსახვა. ასეთი ბარათის ავტოსამრეცხაოში წარმოდგენისას, გაირეცხება მხოლოდ ბარათზე აღნიშნული სახელმწიფო ნომრის და სერიის მქონე ავტომატქანა.
- 7.6.5 პლასტიკური ბარათი ადასტურებს მისი წარმომდგენლის უფლებას ავტოსამრეცხაოზე მიიღოს ბარათზე ჩატვირთული შესაბამისი სახეობის მომსახურება. პლასტიკური ბარათის დაკარგვის შემთხვევაში მისი ბლოკირების ვალდებულება შესაძლო ნეგატიური შედეგების თავიდან აცილების მიზნით ეკისრება თავად შემსყიდველს, რომელმაც უნდა მოახდინოს ბლოკირება თავისივე cards.wissol.ge -ზე სპეციალური ანგარიშის გამოყენებით საკუთარი ვებ-კაბინეტიდან.
- 7.7. ტალონების საშუალებით რეცხვის მომსახურება განხორციელდება შემდეგი წესით:
- 7.7.1 მიმწოდებელმა ხელშეკრულების გაფორმებიდან 5 (ხუთი) სამუშაო დღის ვადაში, მიღება-ჩაბარების აქტით უნდა მიაწოდოს შემსყიდველს 24 (ოცდაოთხი) (დანართი N1-ით გათვალისწინებულ მე-2 პოზიციაზე) ცალი მიკროავტომატის რეცხვის ტალონი;
- 7.7.2 მიღება-ჩაბარების აქტში აღინიშნება შეძენილი რეცხვის ტალონების სახეობა, რაოდენობა, ღირებულება და სხვა პარამეტრები. წინამდებარე ხელშეკრულების ინტერესებიდან გამომდინარე, ავტომატქანის რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაოში მიიღოს შესაბამისი მომსახურება.
- 7.7.3 ტალონების გადაცემის შემდეგ მათი დაკარგვის, დაზიანების ან განადგურების რისკი ეკისრება „შემსყიდველს“. ამასთან, უკვე გაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. ყოველ ტალონზე აღნიშნული უნდა იყოს:
- ტალონის ნომერი;
  - მიმწოდებლის დასახელება;
  - ტალონის (მომსახურების) სახეობა;
- 7.7.4 შემსყიდველისათვის გადაცემული ტალონები გააქტიურდება და მათი გამოყენება შესაძლებელი იქნება მხარეთა შორის ტალონების გადაცემის თაობაზე მიღება-ჩაბარების აქტის გაფორმებიდან 1 (ერთი) საათის გასვლის შემდეგ. ტალონების დაკარგვის შემთხვევაში, თუკი შემსყიდველი გონივრულ ვადაში სამუშაო საათებში აცნობებს მიმწოდებელს დაკარგვის შესახებ წერილობით და მიუთითებს დაკარგული ტალონების ნომრებს, მიმწოდებელი უზრუნველყოფს აღნიშნული ტალონების დაბლოკვას, მათი შემდგომი გამოყენების თავიდან აცილების მიზნით. ამასთან, შემსყიდველს არ აქვს უფლება მოითხოვოს დაკარგული ტალონების სანაცვლოდ ახალი ტალონების გაცემა. დაკარგული ტალონების პოვნის შემთხვევაში, შემსყიდველის წერილობითი მოთხოვნის საფუძველზე, მიმწოდებელი უზრუნველყოფს ტალონების აღდგენას (ბლოკირების მოხსნას). ამასთანავე, ბლოკირებამდე ტალონების გამოყენებით გამოწვეულ შედეგებზე ყველანაირი პასუხისმგებლობა და რისკები ეკისრება მხოლოდ შემსყიდველს. მომსახურების გაწევა იწარმოებს ტალონის ავტოსამრეცხაო სადგურზე წარმოდგენისთანავე ნებისმიერ მის წარმომდგენ პირზე. ტალონების განადგობა არ დაიშვება. შემსყიდველის წარმომადგენელი უფლებამოსილია დაესწროს მიმწოდებლის მიერ შესაბამისი ავტომატქანის რეცხვის პროცესს.
- 7.8. მომსახურების გაწევა იწარმოებს მაღალი ხარისხის სარეცხი და საწმენდი სპეციალური საშუალებებისა (ქაფი, გელი, სპეციალური სითხეები, საბურავის საწმენდი საშუალებები და სხვა) და ტექნიკური მოწყობილობების გამოყენებით.
- 7.9. ბარათების/ტალონების მოქმედების ვადა განისაზღვრება 2018 წლის 31 დეკემბრის ჩათვლით.
- 7.10. მიმწოდებელმა უნდა უზრუნველყოს ზემოაღნიშნული მანქანების როგორც გარე, ასევე შიდა (სალონი, საბარგული) რეცხვა-დასუფთავება.



## 8. პირგასამტეხლო ხელშეკრულების პირობების შესრულებლობისათვის

- 8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ვადაგადაცილებულ დღეზე შესრულებელი ვალდებულების ღირებულების 0,1%-ის ოდენობით.
- 8.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ასეთ შემთხვევაზე ხელშეკრულების ღირებულების 1%-ის ოდენობით.
- 8.3. გადახდის ვადის დარღვევის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე დროულად გადაუხდელი თანხის 0,1%-ის ოდენობით. ასეთი უფლებით მიმწოდებელმა შეიძლება ისარგებლოს მხოლოდ საკუთარი შეხედულებისამებრ და იგი არ წარმოადგენს მის ვალდებულებას.
- 8.4. მიმწოდებლის მიერ ხელშეკრულებით ნაკისრი ვალდებულებების შესრულებლობის ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.
- 8.5. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.6. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

## 9. მხარეთა ვალდებულებანი

### 9.1 „მიმწოდებელი“ ვალდებულია:

- 9.1.1 უზრუნველყოს მაღალხარისხიანი მომსახურების წინამდებარე დოკუმენტით დადგენილი პირობების შესაბამისად;
- 9.1.2 მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზიანის, ასევე ინსპექტირების შედეგად გამოვლენილი დეფექტის ან ნაკლის აღმოფხვრა უზრუნველყოს საკუთარი სახსრებით, შემსყიდველთან შეთანხმებულ გონივრულ ვადაში.

### 9.2 „შემსყიდველი“ ვალდებულია:

უზრუნველყოს მიმწოდებლის მიერ მოწოდებული შესყიდვის ობიექტის ღირებულების ანაზღაურება ხელშეკრულების პირობების შესაბამისად.

### 9.3 „მიმწოდებელს“ უფლება აქვს:

- 9.3.1 მოითხოვოს მოწოდებული შესყიდვის ობიექტის ღირებულების დროული და სრული ანაზღაურება ხელშეკრულების პირობების მიხედვით.

### 9.4 „შემსყიდველს“ უფლება აქვს:

- 9.4.1 აწარმოოს მოწოდებული შესყიდვის ობიექტის ხარისხის და რაოდენობის კონტროლი.

## 10. ხელშეკრულებაში ცვლილების შეტანა და ხელშეკრულების შეწყვეტა

- 10.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 10.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 10.3 საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით;
- 10.4 თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით;
- 10.5 ხელშეკრულება შეიძლება შეწყდეს მხარეთა წერილობითი ურთიერთშეთანხმებით, ასევე წინამდებარე ხელშეკრულებით ან/და საქართველოს კანონმდებლობით დადგენილ სხვა შემთხვევებში.



## 11. ხელშეკრულების შესრულების შეუძლებლობა

- 11.1 ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).
- 11.2 ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაულახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.
- 11.3 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.
- 11.4 მხარეთა პასუხისმგებლობა და ვალდებულებები განახლდება ფორს-მაჟორული გარემოებების მოქმედების დასრულებისთანავე.

## 12. დავები და მათი გადაწყვეტის წესი

- 12.1 ხელშეკრულება დადებულია და განიმარტება საქართველოს კანონმდებლობის შესაბამისად.
- 12.2 ხელშეკრულების შესრულების პროცესში მხარეთა შორის წარმოშობილი დავა წყდება მორიგებით.
- 12.3 შეთანხმების მიუღწევლობის შემთხვევაში მხარეებს უფლება აქვთ მიმართონ სასამართლოს.

## 13. ხელშეკრულების მოქმედების ვადა

ხელშეკრულება ძალაში შედის ხელშეკრულების ხელმოწერიდან და მოქმედებს 2019 წლის 31 იანვრით ჩათვლით.

## 14. სხვა პირობები

- 14.1 ხელშეკრულება შედგენილია ქართულ ენაზე, 3 ეგზემპლარად და თითოეულ მათგანს თანაბარი იურიდიული ძალა აქვს.
- 14.2 ხელშეკრულების ერთი ეგზემპლარი ინახება მიმწოდებელთან, ორი – შემსყიდველთან.

## 15. მხარეთა იურიდიული მისამართები და ხელმოწერები

შემსყიდველი:

სსიპ „იუსტიციის სახლი“

მისამართი: ქ. თბილისი, სანაპიროს ქ. №2

ავთანდილ კობრიძე

აღმასრულებელი დირექტორის მოადგილე  
(ფინანსების დირექტორი)

მიმწოდებელი:

სს „ვისოლ პეტროლიუმ ჯორჯია“

მისამართი: ქ. თბილისი, ჭავჭავაძის 74

ვასილ ხორავა

გენერალური დირექტორი



| №                             | შესყიდვის ობიექტი                   | ავტოსამრეცხაოს მომსახურების ჯამური სავარაუდო რაოდენობა | ავტოსამრეცხაოს ერთჯერადად მომსახურების ღირებულება ლარი (დღგ-ს ჩათვლით) | მომსახურების ჯამური ღირებულება ლარი (დღგ-ს ჩათვლით) |
|-------------------------------|-------------------------------------|--------------------------------------------------------|------------------------------------------------------------------------|-----------------------------------------------------|
| 1                             | 2                                   | 3                                                      | 4                                                                      | 5                                                   |
| 1                             | სედანის (8 ა/მანქანა) რეცხვა        | 552                                                    | 10.03                                                                  | 5536.56                                             |
| 2                             | მიკროავტობუსის (1 ა/მანქანა) რეცხვა | 24                                                     | 23.01                                                                  | 552.24                                              |
| სულ ღირებულება დღგ-ს ჩათვლით: |                                     |                                                        |                                                                        | 6088.8                                              |

შემსყიდველი:

სსიპ „იუსტიციის სახლი“

ავთანდილ კოხრეიძე  
აღმასრულებელი დირექტორის  
მოადგილე  
(ფინანსების დირექტორი)



მიმწოდებელი:

სს „ვისოლ პეტროლიუმ ჯორჯია“

ვასილ ხორავა  
გენერალური დირექტორი



ინფორმაცია ავტოსამრეცხაოების ქსელის შესახებ

1. ქ. თბილისი, ქეთევან წამებულის გამზ. №71-ის მოპირდაპირე მხარე;
2. ქ. თბილისი, თამარაშვილის ქუჩის გამყოფი ზოლი;
3. ქ. თბილისი, ერისთავის ქ. №1;
4. ქ. თბილისი, ჯიქიას ქ. №2<sup>ა</sup> უნივერსიტეტის მაღლივი კორპუსის მიმდებარედ;
5. ქ. თბილისი, ავჭალა, ღვინის ქარხნის მიმდებარედ;
6. ქ. თბილისი, მუხიანი, გობრონიძის ქ. №4
7. ქ. თბილისი, გურამიშვილის ქ. №41 (ელმავალშენებელი ქარხნის მოპირდაპირედ);
8. ქ. თბილისი, დიდუბის ავტოსადგურიდან ქსნის ქუჩისკენ მიმავალ სანაპირო;
9. ქ. თბილისი, მტკვრის მარჯვენა სანაპირო, ბაქტერიოფაგის მიმდებარე ტერიტორიაზე.
10. ქ. რუსთავი, შარტავას 4-ის მიმდებარედ
11. ქ. ბათუმი, თამარ მეფის გამზირი, რკინიგზის სადგურის მიმდებარე ტერიტორია
12. ქ.ზუგდიდი, რუსთაველის ქ. 328
13. ქ. ქუთაისი, ჟ. შარტავას ქ. მე-3 შესახვევი №12 და ზ. გამსახურდიას გამზირი

შემსყიდველი:

სსიპ „იუსტიციის სახლი“

ავთანდილ კობრეიძე  
აღმასრულებელი დირექტორის მოადგილე  
(ფინანსების დირექტორი)

მიმწოდებელი:

სს „ვისოლ პეტროლიუმ ჯორჯია“

ვასილ ხორავა  
გენერალური დირექტორი

ხ ე ლ წ ე რ ი ლ ი  
ინტერესთა კონფლიქტის შესახებ

ქ. თბილისი

28 თებერვალი 2018 წელი

ქვემოთ ხელისმოწერით ვადასტურებ, რომ სს „ვისოლ პეტროლიუმ ჯორჯია“ - ს მიმართ სრულად ვაკმაყოფილებ „სახელმწიფო შესყიდვების შესახებ“ საქართველოს კანონის მე-8 მუხლით დადგენილ ინტერესთა კონფლიქტის თავიდან აცილების პირობებსა და წესებს.

სსიპ „იუსტიციის სახლი“-ს

ადმინისტრაციისა და სამართლებრივი  
უზრუნველყოფის სამსახურის უფროსი

თიკა ნეზიერიძე

